

ՀՈՎՀԱՆՆԵՍ ԹՈՒՄԱՆՅԱՆԻ
ԾՆՆԴՅԱՆ 100-ԱՄՅԱԿԻ ՏՈՆԱԿԱՏԱՐՈՒԹՅՈՒՆԸ

Հայ ժողովուրդը, ինչպես և մեր հայրենիքի բոլոր ժողովուրդներն ու աշխարհի առաջադեմ մարդկությունը, հանդիսավորությամբ նշեցին Հայաստանի մեծագույն զավակներից մեկի՝ Հովհաննես Թումանյանի ծննդյան 100-ամյակը:

Սեպտեմբերի 24-ին Ալ. Սպենդիարյանի անվան լենինի շքանշանակիր օպերայի ու բալետի թատրոնի դահլիճում տեղի ունեցավ Հայաստանի կոմկուսի Կենտկոմի, Հայկական ՍՍՀ Գերագույն սովետի նախագահության և Հայկական ՍՍՀ Մինիստրների սովետի հանդիսավոր նիստը՝ նվիրված Հովհաննես Թումանյանի ծննդյան 100-ամյակին:

Հանդիսավոր նիստը ներածական խոսքով բացեց հանրապետական կառավարական հոբելյանական հանձնաժողովի նախագահ, Հայաստանի կոմկուսի Կենտկոմի առաջին քարտուղար Ա. Ե. Քոչինյանը:

— Հայ ժողովրդի կուլտուրայի պատմությունը,—ասաց Ա. Քոչինյանը,—հարուստ է մեծ ու նշանավոր դեմքերով, որոնք արժանի են հիշվելու խորին երախտագիտությամբ: Բայց ժողովուրդը, իբրև ազգային և միջազգային տոն, նշանավորում է ամենամեծերի հիշատակը: Ներանց, որ բոլորից բարձր են իրենց արվեստով ու զաղափարախոսությամբ: Նրանց, որ բոլորից խորունկ ու կատարյալ են արտահայտել ժողովրդի կյանքը, բնավորությունը, իղձերը, ովքեր ամենից լավ են հնչեցրել ոչ միայն ազգային, այլև համամարդկային զաղափարներ: Եվ, վերջապես, նրանց, ովքեր հեռվից ձեռք են մեկնում զալիք սերունդներին, սովորեցնում նրանց ապրել ու մաքառել հանուն մարդկության լավագույն իդեալների, հանուն խաղաղության և ժողովուրդների եղբայրության:

Հայ ժողովրդի համար այդպիսի մեծություն է Հովհաննես Թումանյանը:

Գլուխ խոնարհելով մեր մեծ հայրենակցի հիշատակի առաջ, մենք հպարտանում ենք նրա ոչ միայն գեղարվեստական ժառանգությամբ, այլև իդեալների մեծությամբ ու պիղծելությամբ և այդ նույն իդեալների կենսագործումով, որի հնարավորությունը տվեց Հոկտեմբերյան հեղափոխությունը:

Ելույթի վերջում Ա. Քոչինյանը ներկայացրեց Հովհաննես Թումանյանի ծննդյան 100-ամյակի տոնակատարությանը ժամանած՝ եղբայրական հանրապետությունների պատվիրակություններին, սոցիալիստական երկրների ու արտասահմանյան երկրների հյուրերին, սփյուռքահայ գրողներին ու հասարակական գործիչներին և շնորհակալություն հայտնեց նրանց:

Հորեկյանական նիստում զեկուցումով հանդես եկավ Հայաստանի գրողների միության վարչության առաջին քարտուղար Է. Թովչյանը: Բնութագրելով հայ ժողովրդի սոցիալական-քաղաքական կացությունը անցյալ դարի վերջերին և XX դարի սկզբին, է. Թովչյանը ասաց.

— Հովհաննես Թումանյանի հոգով անցան հայ ժողովրդի ծանր ճակատագրի տարուբերումները, ճնշված ազգության վեհությունն ու ողբերգությունը: Թումանյանը հայ ժողովուրդն էր բանաստեղծության մեջ, ժողովուրդը՝ իր ճշմարիտ կերպարանքով, մտքերով ու երազներով:

Հանգամանորեն խոսելով Հովհաննես Թումանյանի ստեղծագործության մասին, զեկուցողը առանձնապես ընդգծում է նրա հայրենասիրական ու մարդասիրական ոգին, ժողովուրդների եղբայրության ու բարեկամության, խաղաղասիրության ոգին, բանաստեղծի հասարակական-քաղաքական իդեալների վեհությունն ու մեծությունը:

Հորեկյանական նիստում ելույթ ունեցան ու ողջույնի խոսք ասացին եղբայրական հայրապետությունների պատվիրակությունների ղեկավարները, սոցիալիստական ու արտասահմանյան երկրներից ժամանած հյուրերը, որոնց թվում՝ ՍՍՀՄ գրողների միության վարչության քարտուղար Ս. Սաբալովը, Թումանյանի հոբելյանի անցկացման համամիութենական կոմիտեի նախագահ, գրող Ա. Սուրկովը, Ռուսաստանյան ֆեդերացիայի գրողների միության վարչության նախագահ Լ. Սոբոլևը, կուսակցության Մոսկվայի քաղկոմի բաժնի վարիչ Յու. Վերչենկոն, լենինյրադի Չերժինսկու կուշրջկոմի առաջին քարտուղար Բ. Անդրեևը, ուկրաինացի գրող Օ. Գոսչաքը, Բելոռուսիայի ժողովրդական բանաստեղծ Մաքսիմ Տանկը, Ուզբեկստանի գրողների միու-

թյան վարչության նախագահ Ք. Յաշենը, Ղազախստանի գրողների միության վարչության քարտուղար Զ. Մուլդագալիևը, կուսակցության Խորհրդի քաղկոմի առաջին քարտուղար Օ. Լոլաշվիլին, Ադրբեջանի կոմկուսի Կենտկոմի քարտուղար Զ. Ջաֆարովը, Կաունասի քաղաքական գործկոմի նախագահի տեղակալ Յա. Նաբկևիչյուրը, Մոլդավական ՍՍՀ կուլտուրայի մինիստր Լ. Կուլյուկը, Հատվիայի կոմկուսի Կենտկոմի կուլտուրայի բաժնի վարիչ Ա. Դուրիսը, Կիրգիզիայի գրողների միության վարչության քարտուղար Ժ. Մավլյանովը, Տաջիկստանի Գերագույն սովետի նախագահ Մ. Միրջաֆարը, Թուրքմենական ՍՍՀ ԳԱ թղթակից-անդամ Բ. Սեյտակովը, Հստոնական ՍՍՀ կուլտուրայի մինիստր Ս. Լաուրը, Բուլղարիայի ժողովրդական բանաստեղծ Լ. Մադինովը, Յան Մալիա Գիոգեսը (Հնչաստան), Կուբայի ժողովրդական բանաստեղծ, «Ժողովուրդների միջև խաղաղությունն ամրապնդելու համար» միջազգային Հենինյան մրցանակի դափնեկիր Ն. Գիլիենը, բանասիրական գիտությունների դոկտոր Լաբիֆ էլ Ջալալը (ԱՄՀ), Իրանի ժողովրդական կրթության մինիստրի խորհրդական, դոկտոր Զոհրաբ Դուրդարը, արաբ գրող ու թարգմանիչ Նիզաֆ Խալիլին (Սիրիա):

Նիստում հրապարակվեց հաղաղության համաշխարհային խորհրդի ողջույնի ուղերձը Թումանյանի ծննդյան 100-ամյակին նվիրված հանդիսավոր նիստի մասնակիցներին:

Հովհաննես Թումանյանին հարգանքի ու սիրտուրբ մատուցեց մեր հայրենիքի մայրաքաղաք Մոսկվան:

Հոկտեմբերի 3-ին ՍՍՀ Միության Մեծ թատրոնում կայացավ բանաստեղծի 100-ամյակին նվիրված հանդիսավոր նիստ, որը հրավիրել էր համամիութենական հոբելյանական կոմիտեն:

Նախագահությունում էին Հայաստանի կոմկուսի Կենտկոմի առաջին քարտուղար Ա. Ե. Քոչինյանը, Հայկական ՍՍՀ Մինիստրների սովետի նախագահ Բ. Հ. Մուրադյանը, Հայկական ՍՍՀ Գերագույն սովետի նախագահության նախագահ Ն. Խ. Հարությունյանը, Սովետական Միության մարշալ Հ. Ք. Բաղրամյանը, ՍՍՀՄ կուլտուրայի մինիստր Ե. Ա. Ֆուրցևան, ՍՄԿԿ Կենտկոմի կուլտուրայի բաժնի վարիչ Վ. Ֆ. Շաուրոն, կուսակցության Մոսկվայի քաղաքային կոմիտեի քարտուղար Ա. Պ. Շապոշնիկովան, Հայաստանի կոմկուսի Կենտկոմի քարտուղարներ Գ. Ա. Արումանյանը, Մ. Ս. Մելքոնյանը, Ռ. Հ. Խաչատրյանը, լենինյան մրցանակի դափնեկիր, կոմ-

պոզիտոր Ա. Ի. Խաչատրյանը, Հայկական ՍՍՀ կուլտուրայի մինիստր Կ. Բ. Ուդումյանը, համամիութենական հոբելյանական կոմիտեի անդամները, ՍՍՀՄ, ՌՍՖՍՀ, Հայկական ՍՍՀ գրողների միությունների վարչությունների, Մոսկվայի գրողների կազմակերպության քարտուղարներ, երկրի նշանավոր գրողներ:

Հանդիսավոր նիստին ներկա էին ընկերներ Լ. Ի. Բրեժնևը, Ա. Պ. Կիրիլենկոն, Կ. Տ. Մազուրովը, Ն. Վ. Պոդգոռնին, Դ. Ս. Պոլյանսկին, Ա. Ն. Շելեպինը, Վ. Վ. Գրիշինը, Պ. Ն. Դեմիչևը, Ի. Վ. Կապիտոնովը, Ֆ. Դ. Կուլակովը, Բ. Ն. Պոնոմարյովը:

Նիստը բացեց համամիութենական հոբելյանական կոմիտեի նախագահ, բանաստեղծ Ալեքսեյ Սուրկովը:

— Թումանյանի հոբելյանը, — ասաց նա, — մեր հայրենիքի եղբայրական բոլոր ժողովուրդների տոնն է: Թումանյանը մեզ բոլորիս համար թանկ է այն պատճառով, որ բանաստեղծի հուղմանալի վառ խոսքը երբեք չի տարբերվել քաղաքացու, իր ժողովրդի հավատարիմ զավակի քաջարի գործերից:

Հովհաննես Թումանյանի մասին զեկուցեց Հայաստանի կոմկուսի Կենտկոմի քարտուղար Ռ. Խաչատրյանը:

— Թումանյանի ստեղծագործությունը և նրա ողջ կյանքը, — ասաց զեկուցողը, — ժողովրդին, մարդկության պայծառ իդեալներին, ժողովուրդների բարեկամության վսեմ գաղափարին ծառայելու փայլուն օրինակ է: Նրա ստեղծագործության գլխավոր բովանդակությունը աշխատավորությանը, ճնշված մարդուն անվերապահորեն պաշտպանելն է բոլոր տիպի կեղեքողներից: Հովհաննես Թումանյանը երազում էր տեսնել Հայաստանի բարգավաճումը: Նա հասցրեց տեսնել միայն Հոկտեմբերի արշալույսը:

Դեռ նախքան հեղափոխությունը Թումանյանը գրել է, որ Իլյա Մուրոմեց դյուցազնի եղբայրների շարքում կկանգնեն նաև Սասունցի Դավիթը, եթե դուրս գար Մսրա Մելիքի փորած հորից: Եթե պարզ է, որ ի դեմս Իլյա Մուրոմեցի և Սասունցի Դավիթի Թումանյանը խորհրդանշում էր ռուս և հայ ժողովուրդներին, ապա մենք կարող ենք ասել, որ նրա երազանքը իրականացել է:

Հոբելյանական նիստում ելույթներ ունեցան ռուս ավագագույն բանաստեղծ Ն. Տիխոնովը, «Հիտերատուրնայա Գրուզիա» հանդեսի խմբագիր Գ. Յիցիշվիլին, ուկրաինացի գրող Լ. Պերվոսյակին, Ուզբեկստանի արվեստի վաստակավոր գործիչ, բանաստեղծ Ի. Դուլյամը:

* * *

Սեպտեմբերի 11-ին և 12-ին Հայաստանի գիտությունների ակադեմիայի նիստերի դահլիճում տեղի ունեցավ գիտական նստաշրջան, որ կազմակերպել էր Հայկական ՍՍՀ ԳԱ Մ. Աբեղյանի անվան գրականության ինստիտուտը:

Հայկական ՍՍՀ ԳԱ պրեզիդենտ, ակադեմիկոս Վ. Համբարձումյանը, բացելով նստաշրջանը, ասաց.

— Մեր ազգային մեծագույն բանաստեղծ և հասարակական գործիչ Հովհաննես Թումանյանի ծննդյան 100-ամյակը հայ ժողովրդի հոգևոր մըշակույթի նշանավոր տոներից մեկն է, որը մեր մեծ հայրենիքի եղբայրական ազգերի և ամբողջ աշխարհի բարի կամքի տեր մարդկանց հետ միասին նշում է հայ ժողովուրդը: Թումանյանը անփոխարինելի տեղ է գրավում հայ գրականության ու մշակույթի պատմության մեջ, մեր ժողովրդի ողջ հոգևոր կյանքում: Թումանյանը իր հետ բերեց հայ բանաստեղծական խոսքի, գրականության ժողովրդայնության ու ռեալիզմի նոր չափանիշներ: Նա մեր արվեստը ավելի մոտեցրեց կյանքին, ժողովրդին, գեղարվեստորեն մարմնավորելով իր ժողովրդի հոգևոր աշխարհի, նրա բնավորության ամենաբնորոշ, լավագույն գծերը, սոցիալական և ազգային արդարության երազանքը, մարդասիրական մեծ խոհերը, քաղաքակիրթ ազգերի եղբայրության մեջ ապրելու կամքը:

Այնուհետև «Թումանյանը և արդիականությունը» զեկուցումով հանդես եկավ բանասիրական գիտությունների դոկտոր Ս. Աղաբաբյանը: ՀՍՍՀ ԳԱ թղթակից-անդամ Ա. Ղանալանյանի զեկուցումը նվիրված էր «Ժողովրդի բանաստեղծը և ժողովրդական բանավեպը» թեմային: Շոթա Ռուսթավելու անվան վրացական գրականության ինստիտուտի գրական կապերի բաժնի վարիչ, բանասիրական գիտությունների թեկնածու Գ. Ցիցիշվիլին զեկուցում կարդաց «Թումանյանի հասարակական-գրական կապերը վրաստանի հետ» թեմայով: «Թումանյանի ստեղծագործությունների վրացերեն թարգմանությունները» թեմայով զեկուցեց նույն ինստիտուտի ավագ գիտաշխատակից, բանասիրական գիտությունների թեկնածու Ռ. Արվելաձեն: Ադրբեջանական ՍՍՀ ԳԱ նիդամու անվան լեզվի և գրականության ինստիտուտի ավագ դիտաշխատակից, բանասիրական գիտությունների թեկնածու Թ. Ախմեդովը զեկուցման նյութն էր «Թումանյանը ադրբեջաներեն»: «Մարդը և աշխարհը Թումանյանի երկերում» զեկուցմամբ հանդես եկավ բանասիրական գիտությունների դոկտոր, պրոֆեսոր Խ. Սաբաբյանը, իսկ բանաստեղծ Պ. Սևակը զեկուցում կարդաց «Թումանյանի մեծությունը» թեմայով: «Թումանյանի դրամատուրգիական

փորձերը» խորագիրն էր կրում բանասիրական գիտությունների թեկնածու Ա. Խնիկյանի զեկուցումը: Բանասիրական գիտությունների թեկնածու Մ. Ավդալբեգյանի զեկուցումը նվիրված էր «Թումանյանը և հայ հին գրականությունը» թեմային: «Թումանյանի ռեալիզմը» զեկուցումով հանդես եկավ բանասիրական գիտությունների դոկտոր, պրոֆեսոր Է. Ջրբաշյանը: Նստաշրջանում լսվեցին նաև Լ. Կարապետյանի «Հովհաննես Թումանյանը ժամանակակիցների հուշերում» և Կ. Դանիելյանի «Թումանյանի արձակի գեղարվեստական մի քանի առանձնահատկությունների մասին» զեկուցումները:

Սեպտեմբերի 30-ին գիտական նստաշրջան տեղի ունեցավ Մոսկվայի Ա. Մ. Գորկու անվան համաշխարհային գրականության ինստիտուտում: Նստաշրջանը հրավիրել էին Ա. Մ. Գորկու անվան համաշխարհային գրականության ինստիտուտը և Հայկական ՍՍՀ ԳԱ Մ. Աբեղյանի անվան գրականության ինստիտուտը:

Նստաշրջանը բացեց Գորկու անվան ինստիտուտի դիրեկտոր, ՍՍՀՄ գիտությունների ակադեմիայի թղթակից-անդամ Բ. Սուչկովը: Խոսելով Թումանյանի ստեղծագործության անգնահատելի նշանակության մասին, նա ասաց.

— Լինելով իր ժողովրդի պատմության ու կյանքի հիանալի գիտակը, Թումանյանը իր ստեղծագործությամբ դարձավ սովետական բոլոր ժողովուրդների սեփականությունը: Ինտերնացիոնալիզմի ոգով տոգորված նրա ստեղծագործությունները խորապես փափաքալիս են և այսօր նույնպես թարմ ու վառ են հնչում:

Խոսելով Հովհաննես Թումանյանի և Հայաստան կատարած իր լայնելությունների մասին, Ն. Տիխոնովը ասաց.

— Թումանյանի հայրենիքը անջնջելի տպավորություն թողեց ինձ վրա: Ես տեսա խստաշունչ ու գեղեցիկ բնություն, «քանդակի աշխատասեր ժողովուրդ, որը արդեն 1924 թվականին, առաջին անգամ Հայաստան այցելելու ժամանակ, սկսել էր վերափոխել իր հայրենի աշխարհը: Ես ճանաչեցի մի երկիր, որը մարդկությանը տվել է մեծ հումանիստ բանաստեղծ: Ես տեսա այն ժողովրդին, որի պատմությունն ու տառապանքները այնքան ներշնչվածությամբ ու խոր են պատկերված Թումանյանի ստեղծագործության մեջ, ես տեսա մարդկանց, որոնց երջանկությունը կանխատեսել էր բանաստեղծը:

Այնուհետև նստաշրջանում լսվեցին Է. Ջրբաշյանի «Թումանյանի ռեալիզմը», Ս. Աղաբաբյանի «Թումանյանը և արդիականությունը», Խ. Սաբաբյանի «Աշխարհն ու մարդը Թումանյանի ստեղծագործության մեջ», Ա. Դիմշիցի «Բանա-

ստեղծի արձակը», Լ. Հախվերդյանի «Թուման-
յանը ձևի ընդհանրականության մասին», Ս. Շեր-
վինսկու «Բանաստեղծի ստեղծագործության ին-
տերնացիոնալ երակի մասին», Ա. Իննիկյանի
«Թումանյանը և Շեքսպիրը», Գ. Ցիցիշվիլու
«Թումանյանի կապերը վրաց կուլտուրայի ու

գրականության հետ», Մ. Արարեկյանի «Թու-
մանյանի գեղագիտությունը», Լ. Մկրտչյանի
«Թումանյանի թարգմանության պոբլեմները»,
Ի. Սաֆրազբեկյանի «Թումանյանը և Գորկին»
գեկուցումները:

* * *

Սեպտեմբերի 20-ին Գ. Սունդուկյանի անվան
պետական ակադեմիական թատրոնի դահլիճում
տեղի ունեցավ ՍՍՀՄ գրողների միության և Հա-
յաստանի գրողների միության վարչությունների
միացյալ պլենումը՝ նվիրված Հովհաննես Թու-
մանյանի ծննդյան 100-ամյակին:

Պլենումը ներածական խոսքով բացեց ՍՍՀՄ
գրողների միության վարչության քարտուղար
Ս. Բարուզովսկին:

— Ամեն մի գրականության մեջ, — ասաց նա, —
կան խորհրդանիշ-անուններ: Հայ գրականության
մեջ այդպիսի խորհրդանիշ-անուն է Հովհաննես
Թումանյանը: Հայ գրականության մեջ նրա նշա-
նակությունը այնքան մեծ է, որքան Պուշկինի
անունը ռուս գրականության մեջ: Այսօր մեր
երկրում Թումանյանին կարդում են Սովետական
Միության ժողովուրդների տասնյակ լեզուներով:
Եվ ովքեր կարդում են նրան, խորհում են պոե-
զիայի վսեմ դերի մասին, մտածում այն մասին,
որ իր տաղանդը ընթերցողներին ընծայած մար-
դը դարձել է երկու դարաշրջանները, երկու գրա-
կանությունները՝ դասական ու մեր արդի, սո-
վետական, միացնող օղակ: Գորկու, Մայա-
կովսկու, Բրյուսովի, Ծսենիսի, Ալեքսեյ Տոլս-
տոյի նման Թումանյանը կանգնած էր երկու դա-
րաշրջանների խաչմերուկում և անվերապահ ըն-
դունեց այն ամենը, ինչ մեծ Հոկտեմբերը բերեց
մեր բազմազգ երկրին ու նրա ժողովուրդներին:

Պլենումի մասնակիցները ուշադրությամբ լսե-
ցին ՍՍՀՄ գրողների միության Մոսկվայի կազ-
մակերպության վարչության քարտուղար, բա-
նաստեղծ Ս. Նարովչանովի «Մեծ բանաստեղծը
և քաղաքացին» գեկուցումը: Ս. Նարովչանովը
վեր է հանում Թումանյանի մեծությունը, նրա
ստեղծագործությունը համարելով հայերի քնա-
րա-էպիկական հանրագիտարանը մեր ժամա-
նակներում, այն համեմատելով Հոմերոսի «Իլիա-
կանի», Դանթեի «Աստվածային կատակերգու-
թյան», Պուշկինի «Եվգենի Օնեգինի» հետ: Խո-
սելով Թումանյանի ստեղծագործության ձևավոր-
ման գործում համաշխարհային գրականության
ունեցած դերի մասին, գեկուցողը հատկապես
նշում է երեք հիմնական ազդեցություն՝ Հոմերո-
սի «Իլիականը», Արովյանի «Վերք Հայաստա-
նին», Լերմոնտովի բանաստեղծությունները:

Տարբեր հորիզոններ, տարբեր երևույթներ, տար-
բեր աշխարհներ, և դրանք բոլորը միացել են
երիտասարդ բանաստեղծի սրտում, դրանք բո-
լորն արտացոլվել են նրա որոնող և հարցա-
խույզ աչքերում:

Բայց, որքան էլ լավ ու իմաստուն լինեին դեր-
քերը, հայրենի բնությունը, Հայաստանի հայրե-
նի հողը և ինքը՝ հայ ժողովուրդը դարձան Հով-
հաննես Թումանյանի իսկական ուսուցիչները:

Ողբերգական այն կացությունը, որի մեջ ապ-
րում էր հայ ժողովուրդը, իր կնիքն է դրել Թու-
մանյանի պոեզիայի վրա: Սակայն, չնայած նրա
շատ բանաստեղծությունների ու պոեմների թա-
խծին, ինքը՝ Թումանյանը, իր ստեղծագործու-
թյունը պայծառ է համարել: Եվ մենք՝ նրա ըն-
թերցողներն ու տաղանդի երկրպագուները, միա-
նում ենք բանաստեղծի ինքնագնահատմանը:
Թումանյանի պոեզիայի լուսապայծառ աշխարհը
նրա ժողովրդի աշխարհն է, նրա ազգային բնա-
վորության էությունը, նրա հույսերի վերջնա-
կան հաղթանակը:

Հայաստանի գրողների միության քարտուղար
Հ. Հովհաննիսյանը «Թումանյանը և մենք» գե-
կուցման մեջ վեր հանեց այն ազդեցությունը, որ
ունեցել է Թումանյանի ստեղծագործությունը
մեր ժամանակակիցների վրա, նպաստել նրանց
հայրենասիրական, մարդասիրական, ինտերնա-
ցիոնալ զգացումների կազմավորմանը:

Այնուհետև ելույթներ ունեցան Վրաստանի
գրողների միության վարչության առաջին քար-
տուղար Բ. Աբաշիձեն, ադրբեջանական բանա-
ստեղծ Ս. Սաբիվեյին, Ուկրաինայի գրողների
միության վարչության քարտուղար Յու. Զբա-
նացկին, Մարիետա Շահինյանը, Լիտվայի գրող-
ների միության վարչության քարտուղար, բա-
նաստեղծ է. Մեժելայտիսը, Մոլդավիայի գրող-
ների միության քարտուղար Ա. Զեբուտարուն,
հունգար բանաստեղծ Յանոշ Գերեշ, ղոչտոր-
պրոֆեսոր է. Զրբաշյանը, Բելոռուսիայի գրող-
ների միության քարտուղար Ի. Շամյակինը, ուզ-
բեկական «Գուլիստան» հանդեսի գլխավոր խմ-
բագիր Ա. Մուխրաբովը, շվեդացի գրող Սվենե-
ինգը, սփյուռքահայ գրող Վահե Վահյանը, սո-
վետական նշանավոր բանաստեղծ Կ. Կուլիկը,
գրող և թարգմանիչ Յ. Զազուսկին (Հարավսլա-

վիա), «Երևան» թերթի խմբագիր Բ. Թյուֆենցյանը (Բուլղարիա), Ղազախստանի ժողովրդական բանաստեղծ Ս. Մուկանովը, Օ. Շեստինսկին (Լենինգրադ), Հ. Գրիֆինը (Կանադա)։

Փակելով պլենումը, Ուկրաինայի գրողների միության վարչության առաջին քարտուղար, Լե-

նինյան մրցանակի դափնեկիր Օ. Գոնչարը մասնակիցների և հյուրերի անունից հայ ժողովրդին, որն աշխարհին տվել է անմահ Հովհաննես Թումանյան, նոր մեծ հաջողություններ մաղթեց հանուն մեր սոցիալիստական հայրենիքի ծաղկման։

* * *

Հովհաննես Թումանյանի հոբելյանը մեծ շուքով ու հանդիսավորությամբ նշեց եղբայրական վրաց ժողովուրդը։

Սեպտեմբերի 26-ին Թբիլիսիի Ռուսթավելու անվան ակադեմիական թատրոնում կայացավ հոբելյանական հանդիսավոր երեկո, որին մասնակցում էին Վրաստանի կուսակցական, սովետական ղեկավար աշխատողներ, Վրաստանի մայրաքաղաքի հասարակայնության բազմաթիվ ներկայացուցիչներ, Հայաստանից, Մոսկվայից, Լենինգրադից, Ղազախստանից, Ուզբեկստանից, Ուկրաինայից, Թուրքմենիայից, Բելոռուսիայից և Սովետական Միության այլ վայրերից ժամանած կուսակցական, սովետական ղեկավար աշխատողներ, գրողներ, կուլտուրայի գործիչներ։

Բացելով հանդիսավոր նիստը, Թբիլիսիի քաղսովետի գործկոմի նախագահ Շ. Բուխրաշվիլին ասաց.

— Հայ ժողովրդի անմահ զավակի՝ Հովհաննես Թումանյանի ծննդյան 100-ամյակը մեր երկրի բոլոր ժողովուրդների բարեկամության ու եղբայրության տոնն է։ Մենք՝ վրացիներս, հրապարտանում ենք, որ Թումանյանը սուրբ ու ստեղծագործել է Վրաստանում, որ նրա ստեղծագործությունը սերտորեն կապված է Վրաստանի ու նրա գրականության հետ։ Վրաստանում նա գտել է իր երկրորդ հայրենիքը, որտեղ և գրել է իր լավագույն բանաստեղծությունները, պատմվածքները, հեքիաթները, պոեմներն ու լեգենդները։

Անդրկովկասյան ժողովուրդների բարեկամությունը, — վերջում ասաց Շ. Բուխրաշվիլին, — դարավոր ավանդույթներ ունի։ Այդ բարեկամության տարեգրության մեջ Հովհաննես Թումանյանը ամենափայլուն, ամենազեղեցիկ էջերն է գրել։ Այսօր սովետական ժողովուրդների եղբայրական ընտանիքում էլ ավելի պայծառ է շողշողում բանաստեղծի անմահ անունը։

Հանդիսավոր նիստում Թումանյանի կյանքի և ստեղծագործության մասին ղեկուցումով հանդես եկավ Վրաստանի գրողների միության վարչության առաջին քարտուղար Գ. Աբաշիձեն։

Այնուհետև ելույթներ ունեցան Հայաստանի կոմկուսի Կենտկոմի քարտուղար Ռ. Խաչատրյանը, «Դրուժբա նարոդով» հանդեսի ղեկավար

խմբագիր, համամիութենական հոբելյանական կոմիտեի նախագահի տեղակալ Ս. Բաբուլդինը։

Նույն օրը Թբիլիսիի 26 կոմիսարների անվան կուլտուրայի և հանգստի զբոսայգում, որտեղ գտնվում է Հովհաննես Թումանյանի գերեզմանը, կայացավ միտինգ, որին ներկա էին Վրաստանի կուսակցական, սովետական ղեկավար աշխատողներ, Թբիլիսիի հասարակայնության ներկայացուցիչներ, գիտնականներ, գրողներ, արվեստի ու կուլտուրայի գործիչներ։ Միտինգին մասնակցեցին Հայաստանի պատվիրակությունը, Մոսկվայի, Լենինգրադի, Ուկրաինայի, Բելոռուսիայի և այլ հանրապետությունների գրողներ, կուլտուրայի գործիչներ։

Թումանյանի գերեզմանին ծաղկեպսակներ դրվեցին Վրաստանի կոմկուսի Կենտկոմի, Վրացական ՍՍՀ Մինիստրների սովետի, Գերագույն սովետի նախագահության, Հայաստանի կոմկուսի Կենտկոմի, Հայկական ՍՍՀ Մինիստրների սովետի ու Գերագույն սովետի նախագահության, ՍՍՀՄ գրողների միության, Հայաստանի և Վրաստանի գրողների միությունների կողմից։

Ներածական խոսքով միտինգը բացեց Վրաստանի կոմկուսի Թբիլիսիի քաղաքային կոմիտեի քարտուղար Շ. Կալկաբաշվիլին։

Ելույթներ ունեցան ՍՍՀՄ գրողների միության վարչության քարտուղար, ակադեմիկոս, բանաստեղծ Ի. Աբաշիձեն, ՍՍՀՄ գրողների միության վարչության քարտուղար Ս. Բաբուլդինը, Հայաստանի գրողների միության վարչության քարտուղար Մ. Շարիրյանը, Վրաստանի գրողների միության հայկական սեկցիայի նախագահ, ճարտարապետության դոկտոր Ռ. Աղաբաբյանը։

Հայ ժողովրդի մեծանուն զավակի հոբելյանի առթիվ Ադրբեջանում անցկացվեց թումանյանական տասնօրյակ, որն ավարտվեց հանրապետության գիտությունների ակադեմիայի նիստերի մեծ դահլիճում սեպտեմբերի 30-ին կայացած հանդիսավոր երեկոյով։

Երեկոյին մասնակցում էին Ադրբեջանի կուսակցական, սովետական ղեկավար աշխատողներ, գիտության, գրականության ու արվեստի գործիչներ, Բաքվի հասարակայնության ներկայացուցիչներ, Հայաստանի գրողների պատվիրակությունը։

Բացելով ևրեկոն, Հ. Թումանյանի հոբելյանի տոնակատարության հանրապետական կոմիտեի նախագահ, Ադրբեջանի ժողովրդական բանաստեղծ Սուլեյման Ռուստամն ասաց.

— Հայ ժողովրդի անմահ բանաստեղծի հոբելյանը որպես իր մեծ տոն նշում է նաև աղբյուր բեջանական ժողովուրդը՝ Անդրկովկասի երեք ժողովուրդներից մեկը, որոնց բարեկամությունը այնքան ոգեշունչ ուժով գովերգել է Թումանյանը: Հովհաննես Թումանյանի՝ Հայաստանի մեծ բանաստեղծի, ազատության ու բարեկամության մունետիկի մասին ադրբեջանական ժողովուրդը հպարտությամբ ասում է՝ «նա և մեր բանաստեղծն է»:

Թումանյանի մասին Ադրբեջանի գրողների միության վարչության առաջին քարտուղար, հանրապետության ժողովրդական գրող Միրզա Խրեանիմովի զեկուցումը հրապարակեց բանաստեղծ Մամեդ Ռահիմը:

Այնուհետև ելույթներ ունեցան բանաստեղծներ Ս. Գրիգորյանը, Ա. Զիաբայը, Է. Բուրչալին, Ա. Խալիլեևը, Ի. Սեյիդովը, Հայաստանի գրողների միության վարչության քարտուղար Մ. Շաքիրյանը, Ա. Գրաշին, Ադրբեջանի ժողովրդական բանաստեղծ Մ. Ռահիմը:

Հոկտեմբերի 2-ին Թումանյանին նվիրված երեկույթ տեղի ունեցավ Մոսկվայի Պատրիս Լումումբայի անվան ժողովուրդների բարեկամության համալսարանի ակումբում: Երեկույթը բացեց Ս. Բաբուզդինը: Ելույթ ունեցան Ս. Կապուտիկյանը, Ս. Շերվինսկին: Համալսարանի պրոռեկտոր Կ. Ա. Ստաևը հրապարակեց համալսարանի ռեկտորատի և գիտական խորհրդի ողջույնի ուղերձը, որ հասցեագրված էր Երևանի Հովհաննես Թումանյանի տուն-թանգարանին:

Թումանյանի հոբելյանը նշվեց նաև Լենինգրադում: Հոկտեմբերի 5-ին քաղաքի գրողների տանը տեղի ունեցավ հանդիսավոր ևրեկո, որը բացեց ՌՍՖՍՀ գրողների միության Լենինգրադի բաժանմունքի վարչության առաջին քարտուղար Դ. Գրանինը:

Զեկուցումով հանդես եկավ Լենինգրադի համալսարանի պրոֆեսոր, բանասիրական գիտությունների դոկտոր Բ. Ռեիզյանցը: Այնուհետև ելույթներ ունեցան «Լիտերատուրնայա Արմենիա» հանդեսի խմբագիր, բանաստեղծ Կ. Էմինը, Լենինգրադի բանաստեղծներ ու թարգմանիչներ Ս. Բոտվիննիկը, Վ. Ռոժդեստվենսկին, Ն. Շչեբաևովը և ուրիշներ:

Թումանյանի հոբելյանը շուքով նշեց ուկրաինական ժողովուրդը: Հոկտեմբերի 2-ին Կիևի ճարտարապետների տան դահլիճում կայացավ երեկո, որին ներկա էին գրականության և արվեստի գործիչներ, Ուկրաինայի մայրաքաղաքի հասարակայնության ներկայացուցիչներ:

Իր ներածական խոսքում Ուկրաինայի գրողների միության նախագահ Օլես Գոնչարը, բարձր գնահատելով Թումանյանի ստեղծագործությունը, նրա հասարակական-քաղաքական գործունեությունը, նշեց այն խոշոր դերը, որ խաղացել է հայ բանաստեղծը ժողովուրդների միջև խաղաղության ու բարեկամության ամրապնդման, եղբայրական գրականությունների մերձեցման գործում:

Թումանյանի պոեզիայի մասին զեկուցումով հանդես եկավ բանաստեղծ, թարգմանիչ Վ. Կոչևսկին: Ելույթ ունեցան արձակագիր Հ. Ղուկասյանը, բանաստեղծ Դ. Պավլիշենկոն և ուրիշներ:

Ա. ՍՈՂՈՄՈՆՅԱՆ